

ORATORIVM

DE

18.

IOSEPHO

Vendito à Fratribus

AUTHORE IN MODVLIS

D. IOANNE BAPTISTA
BLANCHINO ROMANO

Sacrofanctæ Lateranensis Ecclesiæ, atque
in hoc Sacello Sanctissimi Crucifixi
Phonasco.



ROMÆ, Ex Typographia Pauli Monetæ. MDCXCII.

SVPERIORVM PERMISSV.

INTERLOCVTORES.

IACOB,
RACHEL Mater,
IOSEPH,
RVBEN,
FRATRES.
TEXTVS.

PARS PRIMA.

Test.



OCANS Iacob filium suum Ioseph, vade, inquit, ad Fratres tuos pascentes Oves, in Sichimis, & si prospera cuncta sint, renuncia mihi &c.

Aria à 2.

O' miserabilis,
O' lacrymabilis,
Resume velocem,
Tam rigidam vocem,
Quæ mox cum nato dissipabit te.
Tū non sapis,
Tū non capis,
Quæ ruina,
Stat vicina,
Destructura,
Oppressura,
Et te pariter, & filium,
O' miserabilis,
O' lacrymabilis,
Resume velocem,
Tam rigidam vocem,
Quæ mox cum nato dissipabit te?

Ioseph.

Quando, Pater mihi iubes,
Motu concitor iucundo,
Mundi feræ, Cæli nubes,
Non me frenant ab eundo.

Ibo velocitèr,
Curram alacriter,
Et nulla tarditas
Erit in me.

Seruiendo tam dulci Genitori,
Cara pericla sunt, & vita mori,

Test.

Cū ergo vidissent eum venientem Fratres, cogitan-
tes occidere illum, sic loquebantur.

Fratres.

Somniator tu venisti,
Stella tristi,
Et Numinibus seueris:
Morieis.

Ioseph.

Innocens moriar à Fratribus Frater;
Frater plenus amore

4

Feruens ardore ;
Et affectibus sinceris ?
Somniator , morieris .

Fratres .
Ioseph . Si lex debita sanguini vos non mouet , ò moue-
ant saltem anni tenelluli , ætas floridula , quæ
inuenire solet pietatem in Leonibus , in Tygri-
bus , & in Ursis , & Pantheris .

Fratres . Somniator morieris .
Vnus de Tù confidis , vt Fratres tui obsequiosi , & humi-
Fratribus . les obediant tibi , tu præsumis , vt nostri Pären-
tes , procidentes ingenua adorent te ,

{ Altra quæ cogitas
lbunt in Tenebras ,
2 Cadent in feretrum
1 Sceptra quæ somnias .
Ille fastus
Tantum vastus ,
Iam cessabit , & non eris .

Fratres . Somniator , morieris .
Ioseph . Pater mi , quò sum deductus !
Intra sinum duræ sortis ,
Intra fauces diræ mortis ,
Et in prece non est fructus
Pater mi , quò sum deductus !

2. Contra me non hostis reus ,
Sed insurgit sanguis meus ,
Implacatus , efferatus ,
Et mucronibus instructus !
Pater mi , quo sum deductus .
Moriatur corde prompto ,
Obedisse sit trophæum
In hoc iubilet cor meum !
Consolatio sit luctus
Pater mi quò sum deductus !

Ioseph . Ecce pectus transfodite , ecce caput abscindite

Fratr . Nos parati ———— *Ioseph .* Ego lætus .

Fratr . Somniator ———— *Ioseph .* Non refuto .

Fratr . Adhuc perstas ? ———— *Ioseph .* Me non mihito

Fratr . Morieris ———— *Ioseph .* Sed quietus

Fratr . Nos parati ———— *Ioseph .* Ego lætus .

Vnus Instat plaga ————

de Fr .

Ter.

Alter de Fr. Ferrum pendet.

à 2. Et hic iubilat, & ludit?

Fratres Qui somniator est, mortem deludit.

Ioseph. Qui verax semper est, mortem deludit.

Text. Audiens autē Ruben vnus de Fratribus, quod cogitarent occidere illū, virebatur liberare eū, & ait.

Ruben. In hoc periculo nostro Fratre
Recognoscite Genitorem,
Et perpendite, quem dolorem
Cumulabitis in Patre.

Ensis, qui strauerit

Caput istius,

Pectus illius

Transuerberauerit;

Et dupliciter ingrati,

Vulnerabitis cor Patris, & Nati.

Fratres, Quid ad te?

Tū laboras,

Et exoras

Stulto voto, & vana spe

Quid ad te? quid ad te.

Ioseph. O' Germane dulcissime, ò Ruben amantissime;
dimitte illos, vt satient ferociam suam, & innocentie meae, coronam ne rapias.

Dulce perire, languere suaue

Si pectus innocens,

Anima candida,

Cor in se non habet graue.

Dulce perire, languere suaue,

Coeli letantes,

Stellæ ridentes,

Ad palmam vocantes

Ad regnum cientes

Me non sinunt expauere.

Dulce perire, suaue languere.

Text. Permoti igitur misericordia, vendiderunt eum
Ismaelitis, qui duxerunt in Aegyptum, & miserunt ad Patrem, & Matrem eius, tunicam
illius intinctam sanguine.

Pater, & Quæ pessima fera

Mater à 2. Te fili vorauit,

Non

Non nisi megera
Tam dira patrauit.
Quæ pessima fera
Te fili vorauit?
Innocentissime,
Amabilissime
Ah sine te spiramus
Si non redibis tû, vitam negamus.

Pater. Aperite Voragines,

Mater. Monstrate præcipitia,

Pater. Amo disrumpi,

Mater. Volo dissolui,

Pater. Feretrum quæro,

Mater. Peto Sepulcrum

à 2.

Innocentissime,

Amabilissime

Ah, sine te spiramus;

Si non redibis tû, vitam negamus.

Omnes. Virtutem perdere

Tentat iniquus,

Sed in vanum conatur,

Semper castitas adoratur.

Semper puritas coronatur.

Iustum in terris opprimit offensor,

Sed Deus Cœlo, subleuat defensor.

PARS SECVNDA.

Texus.



Onstituît Pharao Ioseph Dominum Do-
mus suæ, & Principem in Terra AEGYPTI.
Inualeſcente autem famæ venerunt fra-
tres eius. vt quærerent ab eo eſcam ſibi,
cum igitur eos cognouiſſet, nec ab ijs
cognitus eſſet, finxit acerbè conqueri cum illis.

Ioseph.

Agnosco vos, agnosco vos;

Explorando, quærendo, ſcrutando

Ordiri ruinas

Veniſtis in nos;

Agnosco vos, agnosco vos;

Pro dono frumenti

Reuincti, Retenti

Plorabit is mox.

Agnosco vos, Agnosco vos

Fratres. Serui tui dolo caremus.
Et te venimus præcari,
Vt nos vellis consolari,
Qui famelici languemus
Serui tui, dolo caremus.

Ioseph. Carceres, Compedes
Parati sunt.
Vt per dolores
Confiteamini
Quales errores
Tacetis nunc.
Carceres, Compedes
Parati sunt.

Fratres. O' rem inauditam,
O' miseram sortem,
Dum quærimus vitam,
Inuenimus mortem.

Ioseph. Adeste milites;
Et gentem perfidam
Prendite, stringite, custodite

Fratres. Peccasti. care Genitor peccasti
Cur non magis coram te;
Sine cibo, & sine spe,
Nos occumbere mandasti?
Peccasti. care Genitor peccasti?

*Vnus de Frat-
tribus.* Benjamin dulcis,
Benjamin gratus,
Qui Patris ad latus
Immobilis stas;
Si peris iciunus,
O' nobile funus,
Occasus beatus?
Benjamin dulcis,
Benjamin gratus?

Ioseph. Ergo Patrem habetis? Fratremque præterea.

Fratres. Ille paruulus remansit
Vt delictum Amoris
Iam cadentis Genitoris.

Ioseph. Vno igitur ex vobis hic retento, cant cœteri, & pue-
rum adducant. Pecca

Peccatum occultum,
Non manet inultum,
Sed dum impius non credit,
Quod in tenebris est, in lucem redit.

Vnus de Ecce Puerum, quem iussisti,
Fratribus. Cito duximus ad te;

Consternatus fronte tristi
Iam tuam timet in se.

A Parente ingemente
Cor, & animam auulsisti,
Ecce Puerum quem iussisti,

Ioseph. Spiritus iubilat; pectus exultat,
Vita præ gaudio
Languet in me.

Fratres. Vnde tanta lætitia? Vnde triumphus?

Ioseph. Ergo me non agnoscitis? Ioseph fratrem vestrum
non aspicitis?

Fatres. O' stupor, ò amor, ò pauor, ò tremor.

Ioseph. Nolite pauere; volente Deo venditus sum Aegy-
ptijs, vt subleuarem Gentem nostram, & fac-
rem vobiscum misericordiam.

Fratres. In tuis manibus.

vel vnus, Est nostra sors

vel duo. In tuis legibus

Vita, & mors.

Habes præsentis

Fratres nocentes,

Sed confidentes

Pietati tuæ.

Ioseph. Viuite plaudite corde ridenti.

Mecum sedebitis,

Mecum gaudebitis

Fratres, & Genitor

Semper contenti.

Viuite, plaudite, corde ridenti.

Omnes. O' bonitas immortalis;

Promittit aduersa,

Sed sorte diuersa,

Nos seruat à malis:

O' bonitas, &c.

Mentes afflictæ sperent

Dum lacrymantur hic, gloriam merent &c.